

DÉZIÈM PATI

Sélébrasion mistè krétyin-an

PRÉMIÉ SÉKSION

Prinsip ki réglé sakréman-yo (Ékonomi sakramantèl-la)

PRÉMIÉ CHAPIT

Mistè Paskal-la nan tan l'Égliz-la

ATIK 2

Mistè Pak-la nan sakréman l'Égliz-La

1113 Tout lavi litijik l'Égliz-la konsantré alantou Sakrifis ékaristik-la épi
1210 sakréman-yo (cf. SC 6). Gin sèt sakréman nan l'Égliz-la : Batèm,
Konfirmasion oubyin Krismasion, Ékaristi, Pénitans, Onksion malad-yo,
Òrd épi Mariaj (cf. DS 860 ; 1310 ; 1601). Nan atik sa-a n-ap palé osijè
sa-k komin pou sèt sakréman l'Égliz-la sou plan doktrîn-nan. Sa-k komin
pou yo dapré sélébrasion-an y-ap ékspozé-l nan dézièm chapit-la, épi sa-k
pròp pou chak nan yo, sé sa dézièm séksion-an pral okipé.

I. Sakréman Kris-la

1114 « Antan nou rété kolé nan ansègnam Sint-Ékritu-yo, Tradision
apostolik-yo [...] ak konsantman tout Pèr-yo », nou déklaré « sakréman
nouvo Laloua-a [...] yo tout sé Jézu-Kri Granmèt nou-an ki établi yo »
(DS 1600-1601).

1115 Déja nan tan lavi kaché-l la ak ministè piblik li-a, paròl ak aksion Jézu-
512-560 yo té kapab sové. Yo té antispé puisans mistè Pak li-a. Yo t-ap anonsé-l
épi yo t-ap préparé sa li-minm li t-ap bay l'Égliz-la, lè tout bagay t-a
akonpli. Mistè lavi Kris-la sé fondman sa Kris-la t-a pral bay après sa
palintèmediè minis l'Égliz li-a nan sakréman yo, paské « sa-k [...] té parèt

klè nan Rédanmtè nou-an, yo pasé nan sakréman-yo » (S. Léon le Grand, serm. 74, 2 : PL 54, 398A).

1116 « Pouvoua ki t-ap soti » nan Kò Kris-la (cf. Lc 5, 17 ; 6, 19 ; 8, 46),
1504, 774 toujou vivan épi yo bay lavi, antan yo sé aksion Éspri-Sin-an k-ap aji nan kò-l ki l'Égliz-la, sakréman-yo sé « travay prinsipal Bondié » yo yé nan Nouvo Alians ki la pou tout tan-an.

II. Sakréman l'Égliz-la

1117 Palintèmediè Éspri-a k-ap kondui-l « nan tout vérité-a » (Jn 16, 13),
120 l'Égliz-la té rékonèt ofiamézi trézò sa-a li té résévoua nan min Kris-la épi li té détèminé « administrasion »-l minm jan li té fè-l pou kanon Sint-Ékritu-yo épi pou doktrîn lafoua-a, antan-l sé administratè fidèl mistè Bondié-yo (cf. Mt 13, 52 ; 1 Co 4, 1). Konsa l'Égliz-la té disèné nan déroulman sièk-yo, nan pami sélébrasion litijik li-yo, gin sèt ki sakréman osans pròp Granmèt-la té établi.

1118 Yo sé sakréman « l'Égliz-la » nan yon doub sans : yo égzisté
1396 « palintèmediè-l » épi « pou li ». Yo égzisté « palintèmediè l'Égliz-la » paské yo sé sakréman aksion Kris-la k-ap aji nan Égliz la palintèmediè mision Éspri-Sin-an. Yo « pou l'Égliz-la », paské yo sé « sakréman [...] k-ap bati l'Égliz-la » (S. Augustin, civ. 22, 17 ; cf. S. Thomas d'A., s. th. 3, 64, 2, ad 3), poutèt yo manifésté épi yo kominiké bay moun-yo, sitou nan Ékaristi-a, mistè kominion Bondié-Rinmin-an, Yon sèl-la nan Toua Pèrsòn-yo.

1119 Antan-l fòmé ansanm ak Kris-Tèt-la, « tankou yon sèl [...] pèrsòn
792 mistik » (Pie XII, enc. "Mystici Corporis"), l'Égliz-la aji nan sakréman-yo tankou « yon kominoté sasèrdotal » « ki gin yon strikti òganizé » (LG 11) : palintèmediè Batèm-nan épi Konfirmasion-an, pèp sasèrdotal-la vîn kapab sélébré litiji-a ; sou yon lòt bò, kèk fidèl, ki maké ak Òrd sakré-a, « yo établi yo pou yo pran souin l'Égliz-la nan non Kris-la, ak paròl-la épi ak lagras Bondié-a » (LG 11).

1120 Ministè òrdoné-a oubyin « sasèrdòs *ministérièl* »-la (LG 10) li nan
1547 sèvis sasèrdòs batismal-la. Li bay garanti nan sakréman-yo sé Kris-la réyéلمان vré k-ap aji palintèmediè Éspri-Sin-an pou l'Égliz-la. Mision sové-a Papa-a konfié Pitit-la ki inkarné-a, yo rinnèt li bay Apot-yo épi palintèmediè yo bay siksésè yo-a : moun sa-yo résévoua Éspri-Sin Jézu-a pou yo aji nan non-l épi nan pèrsòn-li (cf. Jn 20, 21-23 ; Lc 24, 47 ; Mt 28, 18-20). Konsa minis òrdoné-a sé chinn sakramantèl ki fè aksion litijik-la fè youn ak sa Apot-yo té di épi té fè, épi, palintèmediè yo, ak sa Kris-la, sous ak fondman sakréman-yo, té di épi té fè.

1121 Toua sakréman Batèm, Konfirmasion épi Òrd-la, anplis lagras-la, yo
1272, 1304, bay yon *karaktè* sètadi « yon sign », « yon mak », « yon so » ki fè krétyin-

1582 an patisipé nan sasèrdòs Kris-la épi fè pati l'Égliz-la dapré kondision ak fonksion diféran. Konfigirasion sa-a ak Kris-la épi ak l'Égliz-la, sa Éspri-a réalisé-a, li pa kapab éfasé (indélébile) (Cc. Trente : DS 1609), li toujou rété nan krétyin-an kòm yon dispozision pozitif pou lagras-la, kòm yon promès épi yon garanti protèksion Bondié épitou kòm yon apèl pou kult Bondié-a épi sèvis l'Égliz-la. Sé poutèt sa yo pa janm kapab bay sakréman sa-yo yon lòt foua.

III. Sakréman lafoua-a

1122 Kris-la té voyé Apot li-yo « pou yo préché pénitans nan non-l ak padon péché-yo nan tout nasion » (Lc 24, 47). « Alé, fè tout nasion-yo vîn tounin
849 disip. Batizé yo onon Papa-a ak Pitit-la ak Éspri-Sin-an » (Mt 28, 19). Mision pou batizé-a, donk mision sakramantèl-la, déjà la nan mision évanjélizé-a, paské sakréman-an préparé *ak paròl Bondié-a épi lafoua-a*
1236 ki sé konsantman yo bay paròl sa-a :

« Pèp Bondié-a vîn rasanblé toudabò gras a Paròl Bondié vivan-an [...]. Préché paròl-la indispensable pou ministè sakréman-yo minm, paské yo sé sakréman lafoua-a, ki pran nésans épi ki nourri apati Paròl-la » (PO 4).

1123 « Sakréman-yo fèt pou sanktifié moun-yo, bati Kò Kris-la épi anfin pou rann Bondié kult ; yo la pou ansègnman tou poutèt sé sign yo yé. Non
1154 sèlman yo sipozé lafoua-a, min yo nourri-l tou ak paròl-yo, ak réalté-yo ; yo fòtifé-l, yo éksprimé-l ; sé pou sa yo rélé yo sakréman *lafoua-a* » (SC 59).

1124 Lafoua l'Égliz-la vini anvan lafoua fidèl-la yo invité pou-l rété kolé
166 ladan-l nan. Lè l'Égliz-la ap sélébré sakréman-yo, li déklaré lafoua li résévoua nan min Apot-yo. Sé la prinsip ansyin sa-a soti : « *Laloua priyè-a, sé laloua sa pou kouè-a* » (*Lex orandi, lex credendi*) (oubyin : « *Laloua sa pou kouè-a établi laloua sa pou mandé-a* » dapré Prosper d'Aquitaine, ep. 217 : PL 45, 1031) [V^e sièk]). Laloua priyè-a sé laloua lafoua-a. L'Égliz-la kouè minm jan li priyé-a. Litiji-a sé yon éléman fondamantal
1327 Tradision ki sin épi ki vivan-an (cf. DV 8).
78

1125 Sé poutèt sa, yo pa kapab chanjé okinn rit sakramantèl dapré bon plézi
1205 minis-la oubyin kominoté-a oubyin modifié-l dapré sa-k nan avantaj yo. Minm pi gran otorité nan l'Égliz-la pa kapab chanjé litiji-a dapré sa-k fè-l plézi, min sèlman nan obéyisans lafoua-a épi nan respè relijié pou mistè litiji-a.

1126 Dayè, poutèt sakréman-yo éksprimé épi dévlopé kominion lafoua-a
815 nan l'Égliz-la, *lex orandi-a* (laloua priyè-a) sé youn nan kritè ésansiyèl dialòg k-ap chèché fè krétyin-yo tounin fè youn-nan (réstoré unité krétyin-yo) (cf. UR 2 et 15).

IV. Sakréman-yo ki sové nou-an

- 1127 Lè yo sélébré sakréman-yo ak dignité nan lafoua-a, yo bay lagras yo
1084 signifié-a (cf. Cc. Trente : DS 1605 et 1606). Yo *éfikas* paské nan yo sé
Kris-la li minm k-ap aji : sé li-minm k-ap batizé, sé li-minm k-ap aji nan
sakréman-l yo pou-l kominiké lagras sakréman-an sé sign li-an. Papa-a
toujou kouté priyè l'Égliz Pitit li-a k-ap éksprimé nan Épiklèz chak
1105 sakréman lafoua li-a nan puisans Éspri-a. Minm jan difé-a transfòmé nan
696 li tout sa-l touché, Éspri-Sin-an fè sa ki soumèt anba puisans-li chanjé pou
pran fòm lavi Bondié-a.
- 1128 Sé sa déklarasion l'Égliz-la vlé di : (cf. Cc. Trente : DS 1608) :
sakréman-yo aji *ex opere operato* (litéralman : « poutèt aksion-an minm
ki réalizé-a »), sètadi pa pouvoua aksion Kris-la ki fè nou sové-a, sa-l
akonpli yon foua pou tout-la. Konsékans-la sèké : « sakréman-an [...] pa
1584 akonpli palintèmediè jistis moun k-ap bay li-a oubyin k-ap résévoua-l la,
min pa pouvoua Bondié » (S. Thomas d'A., s. th. 3, 68, 8). Poutèt yo
sélébré sakréman-an dapré intansion l'Égliz-la, puisans Kris-la épi Éspri
li-a aji nan sa yo fè-a épi palintèmediè-l indépandaman dé kalité lavi sin
pèsonèl minis-la. Poutan, frui sakréman-yo dépann tou dé dispozision
moun ki résévoua yo-a. [*Ex opere operato non ponentibus obicem.*]
- 1129 L'Égliz-la déklaré sakréman Nouvo Alians-la yo *nésésè pou sové*
1257, 2003 moun ki kouè-yo (cf. Cc. Trente : DS 1604). « Lagras sakramantèl-la » sé
lagras Éspri-Sin-an Kris-la bay-la épi ki pròp pou chak sakréman. Éspri-a
géri épi transfòmé moun ki résévoua-l la antan-l konfòmé yo ak Pitit
Bondié-a. Frui lavi sakramantèl-la sé pou Éspri adopsion-an fè fidèl-yo
460 sanblé ak Bondié (divinizé) (cf. 2 P 1, 4) antan-l fè yo fè youn vitalman ak
sèl Pitit-la, Sovè-a.

V. Sakréman lavi pou tout tan-an

- 1130 L'Égliz-la sélébré mistè Granmèt li-a « joutan li vini » (1 Co 11, 26)
épi « pou Bondié kapab tout bagay nan tout moun » (1 Co 15, 28). Dépi
apati tan Apot-yo, litiji-a kité finalité-l la ralé-l palintèmediè jémisman
Éspri-a nan l'Égliz-la : « *Marana Tha !* » (1 Co 16, 22). Konsa litiji-a
patisipé nan sa Jézu anvi-a : « Sé pa ti kras anvi mouin té anvi manjé Pak
sa-a avèk nou, [...] joutan li réalizé nan péyi-roua Bondié-a » (Lc 22, 15-
16). Nan sakréman Kris-la, l'Égliz-la déjà résévoua gaj éritaj li-a, li déjà
950 patisipé nan lavi pou tout tan-an, minm si l-ap tann « éspérans ki sin-an
épi avènman gloua Bondié ak Sovè-nou Jézu-Kri » (Tt 2, 13). « Éspri-a
avèk Madanm k-ap marié-a di : “Vini !” [...] Vini, Granmèt Jézu ! » (Ap
22, 17. 20).

Sin Toma rézimé konsa diféran aspè sign sakramantèl-la : « Sakréman-an sé yon sign ki fè sonjé sa-k té vîn anvan-an, sètadi soufrans Kris-la ; li montré sa-k réalizé nan nou palintèmediè soufrans Kris-la, sètadi lagras-la ; ki fè konnin davans, sètadi ki déjà anonsé gloua ki gin pou vini-an » (S. th. 3, 60, 3).

RÉZIMÉ

- 1131 *Sakréman-yo sé sign éfikas lagras-la, Kris-la té établi yo épi li té rinmèt l'Égliz-la, palintèmediè yo li ba nou lavi Bondié-a. Rit vizib-yo, sa yo sélébré sakréman-yo avèk yo-a, yo signifé lagras-la ki pròp pou chak sakréman épi yo réalizé-l. Yo poté frui nan sa-yo ki résévoua-yo ak dispozision yo doué ginyin-yo.*
- 1132 *L'Égliz-la sélébré sakréman-yo kòm yon kominoté sasèrdotal ki chapanté apati sasèrdòs batismal-la épi sasèrdòs minis ki òrdoné-yo.*
- 1133 *Palintèmediè Paròl Bondié-a épi palintèmediè lafoua-a ki akéyi Paròl-la nan kè ki byin dispozé-yo, Éspri-Sin-an préparé yo pou sakréman-yo. Lè sa-a sakréman-yo ranfòsé épi éksprimé lafoua-a.*
- 1134 *Fruì lavi sakramantèl-la an minm tan pèsonèl épi éklézial. Sou yon bò, frui sa-a pou tout fidèl sé lavi pou Bondié nan Jézu-Kri ; sou yon lòt bò, pou l'Égliz-la sé kouasans nan charité-a épi nan mision témouagnaj li-a.*

[◀Atik
anvan-an](#)

[Gid jénéral-la](#)

[Atik▶
apré-a](#)